



partii naleraq

UKA 2016/31-01

17-11-2016

Nukissiorfinni Innaallagissamut, imermut kiassarermullu assigiimmik akeqartitsinerup atuutseqqilersinnaanerata kingunerisinnaasai aammalu malitsigisaasussanut sunniutaasussat misissoqqissaarnerat nalilersorneqarnerallu pillugit nalunaarusiamik UKA2017-imi saqqummiusseqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Jens Immanuelson, Siumut)

Inatsisartunut ilaasorta Jens Immanuelson, Siumumeersup siunnersuutaa Partii Naleraq sinnerlugu imannak oqaaseqarfigissuarput.

Innaallagissap erngullu akiisa sumiiffinni assigiinngitsuni assigiinnginnerat, Naalakkersuisut akissuteqaamminni uppersarparaat, tassa akissuteqaammi ilaatigut oqaatigineqarmat innaallagissamut imermullu akit sumiiffinni assigiinngitsuni annertuumik assigiinngisitsiviusoq pisariaqanngitsumillu pisariulluni.

Naalakkersuinikkut anguniarparput innuttaasut sapinngisamik assigiinnerusunik atugaqarnissaat, taamaattumik erngup innaallagissallu akiisa nammaqatigiinnikkut assigiilersinnissaannik siunnersuut tamakkiisumik taparserparput.

Taama naatsumik oqaaseqarluta siunnersuutip aappassanneerpeqannginnerani ataatsimiititaliami susassaqarfiusumi oqaluuserineqarnissaa inassutingaarput.